

ქ. თბილისის მუნიციპალიტეტის საკრებულოს
სახელდებისა და სიმბოლიკის კომისიის სხდომის
ოქმი № 24

22 თებერვალი, 2019 წელი
12 :00 სთ

ქ. თბილისი, თავისუფლების მოედანი №2

სხდომას უძღვებოდა: სახელდებისა და სიმბოლიკის კომისიის თავმჯდომარე
თინათინ ნიბლოშვილი

სხდომას ესწრებოდნენ კომისიის წევრები:

გულია გოცირიძე

ანა ლაშხი

მარიკა დარჩია

სხდომა გახსნა კომისიის თავმჯდომარემ თინათინ ნიბლოშვილმა, მან დაადასტურა
კვორუმი და კენჭისყრაზე დააყენა დღის წესრიგი

დღის წესრიგი:

1. ქ. თბილისში, მთაწმინდის რაიონში, ვერეს შესახვევისთვის სატივეს სახელის მინიჭების შესახებ
2. ქ. თბილისში, ვაკის რაიონში, ე.წ. „მალღვივის ხიდისთვის“ ივანე ჯავახიშვილის სახელის მინიჭების შესახებ
3. ქ. თბილისში, ვაკის რაიონში, იაკობ გოგებაშვილის I და II ჩიხისთვის ნათია ბაშალაიშვილის I და II ჩიხის სახელის მინიჭების შესახებ
4. ქ. თბილისში, ნაძალადევის რაიონში, გიორგი გაგილაძის ქუჩასთან არსებული უსახელო ჩიხისთვის გიორგი გაგილაძის I ჩიხის სახელის მინიჭების შესახებ
5. ქ. თბილისში, სამგორის რაიონში, თენგიზ ჩანტლაძის ქუჩასთან არსებული უსახელო შესახვევისთვის თენგიზ ჩანტლაძის II შესახვევის სახელის მინიჭების შესახებ
6. „ქ. თბილისში, საბურთალოს რაიონში, ე.წ. ნატბეურების დასახლებაში უსახელო ქუჩისთვის და მასთან არსებული ოთხი შესახვევისთვის ნატბეურების სახელის მინიჭების შესახებ“ ქალაქთბილისის მუნიციპალიტეტის საკრებულოს 2018 წლის 10 ივლისის N208 განკარგულებაში ტექნიკური შეცდომის გასწორების შესახებ
7. ქ. თბილისში, სამგორის რაიონში, ვიქტორ კუპრადის ქუჩასთან მდებარე უსახელო სკვერისთვის ქართულ-ეზიდური მეგობრობის სახელის მინიჭების შესახებ
8. ქ. თბილისში, კრწანისის რაიონში, გზისკარის ქუჩასთან მდებარე უსახელო ქუჩისთვის, მასთან არსებული ერთი შესახვევისთვის და ერთი ჩიხისთვის ნოქალაქევის სახელის მინიჭების შესახებ
9. ქ. თბილისში, სამგორის რაიონში, იგოთის ქუჩასთან არსებული უსახელო შესახვევისთვის იგოთის I შესახვევის სახელის მინიჭების შესახებ
10. ქ. თბილისში, საბურთალოს რაიონში, ნიკოლოზ სვანიშვილის ქუჩის, ნიკოლოზ სვანიშვილის ქუჩის I გასასვლელის და სანდრო მირიანაშვილის ქუჩის გაგრძელების შესახებ
11. ქ. თბილისში, კრწანისის რაიონში, დიმიტრი გულიას ქუჩასთან არსებული უსახელო ჩიხისთვის დიმიტრი გულიას I ჩიხის სახელის მინიჭების შესახებ
12. ქ. თბილისში, სამგორის რაიონში, გიორგი გურჯიევის ქუჩასთან მდებარე უსახელო ქუჩისთვის და მასთან არსებული ორი შესახვევისთვის იების სახელის მინიჭების შესახებ

13. ქ. თბილისში, ნაძალადევის რაიონში, გიორგი გაგილაძის ქუჩასთან მდებარე უსახელო ქუჩისთვის მეღვინე სოლომონ ჩოლოყაშვილის სახელის მინიჭების შესახებ

კენჭისყრის პროცედურის შემდეგ თინათინ ნიბლოშვილმა დღის წესრიგით წარმოდგენილი საკითხების ირგვლივ ისაუბრა. როგორც მან აღნიშნა, დღევანდელ სხდომაზე სახელდებისთვის ერთმანეთისგან განსხვავებული საკითხები გამოიკვეთა, რაზეც კომისია იმსჯელებს და მხარდაჭერის შემთხვევაში საჯარო განხილვისთვის საკრებულოს ვებ-გვერდზე განათავსებს.

თინათინ ნიბლოშვილმა ვერეს შესახვევისთვის სატივეს სახელის მინიჭებაზე ისაუბრა და აღნიშნა, რომ კომისია აგრძელებს მუშაობას დედაქალაქის ქუჩებისთვის ტოპონიმური სახელწოდებების შენარჩუნება-გამოვლენასა და აღდგენის მიმართულებით. „სატივე“ არის ტოპონიმი ვრცელი და საინტერესო ისტორიით, რომლის თანახმადაც ასე ეწოდებოდა ადგილს მტკვრის მარჯვენა სანაპიროსთან XIX-XX საუკუნეების მიჯნაზე. ეს იყო იგივე ტივმისადგომი ადგილი (უბანს კი სატიო, სატივე ერქვა), სადაც ქართლიდან მტკვარზე ტივებით თბილისში ხე-ტყე, ხილი და ბოსტნეული გადმოჰქონდათ, გადმოჰყავდათ მგზავრებიც.

სხდომის თავმჯდომარემ ვაკის რაიონში ე.წ. „მაღლივის ხიდისთვის“ ივანე ჯავახიშვილის სახელის მინიჭებაზე ისაუბრა. ხიდს, რომლსაც რეაბილიტაცია სულ ცოტა ხნის უკან ჩაუტარდა, ერთმანეთთან დააკავშირებს ბაგებს და ივანე ჯავახიშვილის სახელობის სახელმწიფო უნივერსიტეტის ე.წ. მაღლივ კორპუსს. ხიდის რეკონსტრუქციის ინიციატივა კი თბილისის მერს კახი კალაძეს ეკუთვნის.

კრწანისის რაიონში, გზისკარის ქუჩასთან მდებარე უსახელო ქუჩისთვის კომისიას სურს დასავლეთ საქართველოს ისტორიული ციხე-ქალაქის ნოქალაქევის სახელის მინიჭება. სახელდება თემატური იქნება, ვინაიდან მიმდებარედ ქუჩები ატარებს ოჩამჩირეს, სოხუმის და ეგრისის სახელებს. ხოლო კრწანისის რაიონში, გიორგი გურჯიევის ქუჩასთან მდებარე უსახელო ქუჩას და მასთან არსებულ ორ შესახვევს კომისიის გადაწყვეტილებით იების სახელი მიენიჭება (იების სახელი ადგილობრივმა მოსახლეობამ მოითხოვა).

სხდომის თავმჯდომარის ინფორმაციით, ნამალადევის რაიონში, გიორგი გაგილადის ქუჩასთან მდებარე უსახელო ქუჩას კომისიის წევრების მხარდაჭერის შემთხვევაში კომისია სოლომონ ჩოლოყაშვილის სახელს მიანიჭებს. სოლომონ ჩოლოყაშვილი იყო მეწარმე, მეღვინე. პრაქტიკული საქმიანობის პარალელურად კი სამეცნიერო მოღვაწეობასაც ეწეოდა. მისი სახელის მინიჭების ინიციატივა კომისიას გარემოს დაცვის კომისიის თავმჯდომარემ, ერეკლე კუხიანიძემ მოაწოდა.

თინათინ ნიბლოშვილმა სამგორის რაიონში, ვიქტორ კუპრადის ქუჩასთან მდებარე უსახელო სკვერის სახელდებაზე ისაუბრა და ქართველ და ეზიდ ხალხთა შორის მრავალსაუკუნოვან მეგობრობაზე გაამახვილა ყურადღება. უსახელო სკვერის მიმდებარედ ეზიდების სამლოცველო მდებარეობს, რომელსაც ეთნიკური ეზიდები უფლიან და პატრონობენ. როგორც თინათინ ნიბლოშვილმა აღნიშნა, კომისიას სახელდებისთვის სამგორის რაიონის გამგებელმა კახა გულედანმა საქართველოში ეზიდთა სასულიერო საბჭოს თხოვნით მომართა.

სხდომის თავმჯდომარის ინფორმაციით, ვაკის რაიონში, იაკობ გოგებაშვილის I და II ჩიხს მიენიჭება ნათია ბაშალეიშვილის I და II ჩიხის სახელი და ამგვარად გასწორდება ხარვეზი, შესაბამისად მოგვარდება გადანომვრის და აბრების განთავსების პრობლემა, რის გამოც ადგილობრივმა მოსახლეობამ კომისიას დახმარებისთვის არაერთხელ მომართა.

კომისიის სხდომაზე ქალაქ თბილისის მუნიციპალიტეტის საკრებულოს 2018 წლის 10 ივლისის #208 განკარგულებაში ტექნიკური შეცდომის გასწორებაზე იმსჯელეს. საქმე ეხება სიტუაციურ ნახაზის (რუკის) ცვლილებას, კერძოდ, ე.წ. ნატბეურების დასახლებაში ნატბეურების ქუჩის სახელდებისას განკარგულების დანართში ნატბეურების ქუჩის კოორდინატები გადაიკვეთა უდაბნოს მონასტრის ქუჩის მონაკვეთის კოორდინატებთან. ამიტომ საჭიროა გასწორდეს ტექნიკური შეცდომა და შეიცვალოს რუკა.

თინათინ ნიბლოშვილმა კომისიის წევრებს უკვე სახელდებულ ქუჩებთან განვითარებული უსახელო ჩიხების, შესახვევების და გასასვლელების შესახებ დღის წესრიგით გათვალისწინებული საკითხები გააცნო და განმარტა, რომ ასეთ შემთხვევაში ახლად განვითარებული ჩიხი, შესახვევი ან გასასვლელი ინარჩუნებს ძირითადი ქუჩის სახელს.

კომისიის წევრებმა დღის წესრიგით წარმოდგენილი 13 საკითხი მოისმინეს, კომისიის თავმჯდომარესთან ერთად იმსჯელეს და მხარი დაუჭირეს ხსენებული საკითხების საკრებულოს წინაშე ინიციატივებად დარეგისტრირებას და კანონმდებლობით დადგენილი წესით საჯარო განხილვისთვის გამოქვეყნებას.

სხდომის თავმჯდომარემ სხდომა დახურულად გამოაცხადა.

სახელდებისა და სიმბოლიკის
კომისიის თავმჯდომარე

თინათინ ნიბლოშვილი

თ. ნიბლოშვილი

სახელდებისა და სიმბოლიკის კომისიის

სხდომა

22 თებერვალი , 2019 წელი

N	სახელი, გვარი	ხელმოწერა
1.	თინათინ ნიბლოშვილი	თ. ნიბლოშვილი
2.	მარკა დარჩია	მ. დარჩია
3.	გიორგი ბირბიჩაძე	
4.	ანა ლაშვი	ანა ლაშვი
5.	გულია გოცირიძე	გულია გოცირიძე
6.	თარაშ შურღია	

სახელდებისა და სიმბოლიკის
კომისიის თავმჯდომარე

თინათინ ნიბლოშვილი

თ. ნიბლოშვილი